



UNIVERSITÄTS-  
BIBLIOTHEK  
PADERBORN

# **Canones Congregationvm Generalivm Societatis Iesv**

**Jesuiten**

**Romae, M. D. XC.**

Formula acceptandorum Collegiorum.

---

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)



FORMVLA ACCEPTANDORUM Collegiorum

*data a Reuerendo Patre nostro Laynez  
Generali Præposito Societatis Iesu,  
de qua fit mentio Canone sexto  
secundæ Congregationis  
Generalis.*



CONSIDERATIS operibus, & ministerijs, quibus ad Dei gloriã, & animarum profectum Societas nostra occupatur; & considerata etiã obligatione caritatis, qua ex instituto tenemur in illis perseuerare; re prius præmeditata, & cum Patribus Assistentibus ad cõsultationem adducta, & Domino commendata, Visum est mihi, vt in Collegijs, quæ deinceps Diuina Maiestas fundare dignabitur; nouæ a nobis obligationes nõ admittantur. Sed qui diuino instinctu, & Dei obsequio, quod Deo præstat in Societate, ac vtilitate, qua Dei gratia proximi iuuantur, commotus, Collegiũ ali quod fundare voluerit; pure, & libere absque cõditione vel modo, donationẽ faciat dotationis, quã Domino Deo nostro offerre vult. Societas vero non ex noua obligatione, sed ex illa sua antiqua, quã (vt diximus) habet, curet, vt secundum numerum eorum

Circa  
4. par.  
Consti.  
c. 2. S. 1.  
& 2.



eorū, qui ex tali fundatione sustentari poterunt, in tali Collegio numerus operariorum constituatur, qui quidem in illo iuxta nostrum institutum se exerceant in vinea Domini: de cuius diuina bonitate speramus, si Christiana hac simplicitate, quæ ipsi innititur, progrediamur, Societate perseveraturam puriorem, nec desitura illud præstare, ad quod secundum suam vocationem obligatur: Fundatoris etiam intentio ita implebitur; simulque tolletur hinc inde causæ inquietudinis, quæ ex humanis cautionibus oriri possunt, & solent; quæ quantumuis caute, & circumspecte transigantur, nihilominus semper ab humana astutia tabefactari possunt, vt ipsa experientia ostendit: quæ tam in alijs Religionibus, quàm in multis nostræ Societatis locis, nos docet, prædictum modum fundationis, partibus omnibus bene cedere, ad diuinum obsequium, & commune bonum, quod opratur.

2 In Collegio, vbi tres ponuntur Præceptores litterarum humaniorum, quartus etiã esse debet, qui illis substitui possit, & tres Sacerdotes, in quibus vnus Rector sit, reliqui duo vtilitati seruiant animarum. Vbi vero tales septem operarij sunt, cõuenit totidem saltẽ ibi Scholares alere, vt illud perpetuũ opus esse queat, succedentibus his in Sacerdotum, & Præceptorũ locum, vbi  
aut



aut morte, aut ægitudine, aut alijs de causis nō possent officio suo fungi. Est etiā preter hos necessarius Minister vnus, cū Coadiutoribus quinque, videlicet Ianitore, Sacrista, Coquo, Emptore, & quodā alio, qui eos in omnibus adiuuet. Minimum itaque Collegiū viginti constabit ex nostris, vltra quos prouidendū erit, vnde Corrector, qui de Societate nō sit, alatur, ad eos castigandos pueros, qui Scholas frequētabūt, p̄t illi ab ipsis Præceptoribus præscribatur.

3 Si Collegium quinque Præceptores habeat ad humanas litteras, Latinas, Græcas, & Rhetoricam profitendum, substitutos alios duos habere necesse est: necnon quatuor, quinqueve Sacerdotes, vt præter illos tres Præceptores supradictos, eorum vnus lectionem Casuum conscientiæ possit profiteri; vt Sacerdotes illius regionis, qui parum erunt in ijs versati, hac in parte, quæ eis est necessaria, iuuari possint; quo ipsi melius officium suum faciant ad Diuinam gloriam. Vbi vero tales vndecim, aut duodecim Magistri, ac Sacerdotes conceduntur, totidem saltem Scholastici instituendi erunt ad operis perpetuitatem, vt superius dictum est. Minister etiā vnus cum sex Coadiutoribus. Itaque minimus numerus complebit triginta, extra Correctorem, in similibus Collegijs.

4 Si Collegium præter supradicta, Artium



tium liberalium cursus volet suscipere, vltra illum numerum nostrorum, viginti addendi erunt, partim Præceptores, partim Discipuli; ita vt omnes simul conficiant numerum quinquagenarium.

5 Si Societas alicuius Vniuersitatis, aut Generalis studij curam susceptura esset, adiungeretque supradietis scholasticam Theologiam, & sacram Scripturam; huiusmodi onus admittere non debet, nisi cōmode prouideatur, vnde septuaginta, aut ijs plures Collegæ possint ali; vt Superiori numero accedant viginti, partim Præceptores, & partim Discipuli. Et expediret, vt hic numerus adhuc augeretur, quo non tantum opus huiusmodi perpetuo duraret, verum etiam ex eo Collegio insignes aliqui operarij possent excerpi, ad commune bonum in his, & illis locis promouendum.

6 In Collegijs, vbi Societas proprias non habet scholas, præter scholasticorum numerum, sunt etiam necessarij Rector, ac Minister; & si magnus numerus inibi esset, adhuc Subminister; Coadiutores vero secundum numerum Collegarum, In huiusmodi vero Collegijs collocari poterunt operarij secundum commoditatem, quam habet Societas, & dispositionem messis in Populo.

CANO.